

# Mamot

Lo **mamot** (del rus ancian мамонт, uèi мамонт) es caduna de las espècias del genre atudat *Mammuthus*, encara que lo mamot per excelléncia es lo mamot lanut, *M. primigenius*, de las caissòlas longas e acorbaissadas, que s'en son trobats d'exemplars sebelits dins lo permafrost de Siberia. Las espècias qu'abitavan pus al nòrd, avián una cubèrta de pel long que los protegissiá dels freds glacials. Vivián dins las regions septentrionalas d'Euròpa, Asia, America del Nòrd e America Centrala. Los còrses de mamots gelats an generalament un gra de conservacion tan bon, que mai d'un can dels cercaires se son noirits de lor carn. S'es prepausat de clonar d'exemplars desgelats per fin de far reviuire aquela espècia. Al delà de la carn gelada, en Siberia se trobèron de quantitats grandas d'evòri que foguèt utilizat coma article de comèrci pendent fòrça sègles. Los mamots an per origina l'elefant asiatic après la division dels elefants africans, doncas lo mamot èra mai pròche de l'elefant asiatic qu'aqueste darrièr de l'elefant african. Ja que i a un cas reüssit de crosament de las varietats asiatica e africana, se crei que se los mamots existiguèsson actualament, se podrián crosar amb la varietat asiatica e, per aquò, s'es imaginat de recrear aquela espècia en prenent de semen glaçat de mamot e en l'utilizant per tal d'emprenhar una elefanta. Los crosaments futurs eliminarián los caractèrs pròpris de l'elefant asiatic fins a arribar a un mamot totalament reconstruch. Ça que la, s'es encara pas trapat de semen pro intacte coma per començar l'experiéncia.

## *Mammuthus*



Reconstitution d'un mamot,  
Dvůr Králové Zoo **(en)** .

### Classificacion

<u>Règne</u>	<u>Animalia</u>
<u>Embranchement</u>	<u>Chordata</u>
<u>Sosembr.</u>	<u>Vertebrata</u>
<u>Classa</u>	<u>Mammalia</u>
<u>Sosclassa</u>	<u>Theria</u>
<u>Infraclassa</u>	<u>Eutheria</u>
<u>Òrdre</u>	<u>Proboscidea</u>
<u>Familha</u>	<u>Elephantidae</u>

### Genre

### *Mammuthus*

**Brookes 1828**

### Sinonims

- *Leviathan* Koch 1841
- *Missourium* Koch, 1840



Mamot

---

Recuperada de « <https://oc.wikipedia.org/w/index.php?title=Mamot&oldid=2074273> »

**Aquesta pagina es estada modificada pel darrièr còp lo 25 genièr de 2018 a 15.55.**

Drech d'autor : Los tèxtes son disponibles jos licéncia Creative Commons paternitat pertatge a l'identitic ; d'autres condicions se pòdon aplicar. Vejatz las condicions d'utilizacion per mai de detalhs, e mai los credits grafics.  
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.